

ՍԱՄՈՒՔԻ ԿԱՐԴԱՆԵԱՆ ՄԱՐԴԸ ԵՒ ՄԱՐՏԻԿԸ

-Ազատութիւն- ռադիոկայանը ադրբեջաներէն հաղորդման ժամանակ՝ վկայակոչելով Բաքւի իր թղթակցին, լուր տուեց, թէ իբր Սեպտեմբերի 13-14ին 2 հազար հայ -բուլղարներ-ը գրահապատ մեքենաների աջակցութեամբ գրոհել են Բուզլուխ եւ Մանաշիդ գիւղերը: Երկօրեայ մարտերի ընթացքում սպանուել են 10 ՕՍՕՆական եւ չորս հայ:

Նոյն օրը մոսկովեան «Վեստի» ծրագրով մարտերի շրջանից ցուցադրուել է հեռուստահաղորդում (անշուշտ, ազերիների նկարահանածը) եւ մեկնաբանութիւն. «Հայերը բռնի տեղահանում են ազերիներին ադրբեջանական հողերից»: «Վեստի» ծրագիրն ասես մոռացել էր, թէ Նովոօգարեան համաձայնագրից յետոյ ինչպէս էր ռուսական բանակը հէնց նոյն տարածքում շայտարարուած պատերազմ էր մղում հայ բնակչութեան դէմ, ինչպէս էր ոչընչացնում ու բռնի տեղահանում հայերին: Սակայն ճշմարիտ լըրատութիւնն իսպառ խեղդելու փորձը շաքողուեց. վկաներ շատ կային, դրանց մէջ՝ նաեւ արտասահմանցիներ ու ռուս ժողովրդավար պատգամատուներ: Նոյնիսկ «Պրաւդա»-ն ի վիճակի չեղաւ հերքելու հայերին բռնի տեղահանելու փաստը:

Սերունդների, մեր ու ժամանակակիցների խղճի, ու բոլոր այն ազնիւ մարդկանց նկատմամբ, ովքեր կանգնել են ի պաշտպանութիւն հայութեան, սրբազան մի պարտք ունենք՝ հաւաքել բոլոր ականատեսների ու իրադարձութիւնների մասնակիցների վկայութիւնները, բոլոր նրանց, ովքեր այսպէս թէ այնպէս առընչուել են դրանց:

Ղեկավարուելով հէնց այս մղումներով, ուզում ենք Հիւսիսային Արցախի ազատագրութեան համար մղած մարտերից մեկում զոհուած մի ֆիդայու մասին պատմել:

-Արտասովոր ու զարմանահրաշ մարդիկ այնուամենայնիւ կան մեր մէջ-. ահա այս միտքն էր, որ անընդհատ պտտում էր բիրեղաւանցի Սամուէլ Վարդանեանի թաղման ժամանակ: Այդ մարդը ապրում էր, աշխատում, պահում իր բազմանդամ ընտանիքը, ի վերջոյ, պարզապէս գոյութիւն ուներ՝ մինչեւ 1988թ. Փետրուարի 20ը:

Բայց ահա զարկեց Ղարաբաղեան կոչնակը: 1988թ. Փետրուարի 22ին նա ասաց հարազատներին ու ընկերներին, որ գնում էր Արցախ, որ իր տեղն այնտեղ է: Իր բարեկամների ու մի քանի ընկերոջ հետ միասին Սամուէլը կոպտերատի է կազմակերպում եւ գնում... գիւղ: Ո՛չ նա, ո՛չ էլ նրա ընկերակիցներից մեկը երբեքից չէին եղել Ղարաբաղում, սակայն Սամուէլը դարձաւ Արցախի քաղաքացիներից մեկը, մերուեց նրա բազմաչարչար հողին:

Որքան հոգեկան կորով, որպիսի՝ բարոյական զօրութիւն կար այդ մարդու մէջ, որ Արցախի գանազան գիւղերի բնակիչներից հետզհետէ մի ջոկատ կազմեց: Նրան հաւատում էին, մարդիկ մարտնչում էին, զոհուում, ազատագրում, վրէժ լուծում՝ յանուն անարգուած մեր պատիւի, յանուն մեր խոցոտուած հողի, յանուն տանջահար ժողովրդի: Նրան ոչ թէ ենթարկուած էին,

այլ՝ հաւատում, հպարտանում նրանով: Սամուէլին ղեկավարում էր մեր նախնիներից ժառանգած մի ինչ-որ բնագոյային սկզբունք: Թերեւ, այնուամենայնիւ, դա ոչ թէ ջոկատ էր, այլ՝ «ընտանիք», որի փոխյարաբերութիւնները արեամբ էին ամրապնդում: Եւ քանզի դա ընտանիք էր, ապա Սամուէլն էլ, ասես, դրա հայրը լինէր, որը միշտ քայլում էր առջեւից, որպէսզի սատար լինի իր հարազատներին: Նա միշտ այնտեղ էր, որտեղ խիստ վտանգատու էր, որտեղ հաւանական էլքերից մեկը մահն էր: Նա թոյլ չէր տալիս, մտքով անգամ չէր անցկացնում, որ ինքը պահպանութեան կարիք ունի. այս առումով նա շարքային էր՝ շարքային, ով քայլում է առջեւից, շարքային, ում զնդացրի կրակահերթը առաջինն է խոցում:

Եւ իրօք, այդպէս էլ եղաւ, զնդացրի կրակահերթը խոցեց նրան այն պահին, երբ նա ազատագրում էր Յունիսի վերջերին խլուած Հիւսիսային Արցախի մեր պապեանական հողերը: Զրահաշապիկ չուներ հագին, որովհետեւ ջոկատում միայն մեկ գրահաշապիկ կար, եւ այդ պատճառով էլ ոչ ոք չէր հագնում այն:

Եւ ահա, մահացու վիրաւոր գինուոր-հրամանատարին դուրս են բերում կրակի տակից: Դուրս են բերում նշանակետային, խիտ կրակի տակից, քար ու մացառի միջով: Սակայն, տանում էին, տանում էին ինչ-որ իմաստով նրա արարած մարտիկները, տանում էին՝ շենթարկուելով նրա հրամանին: Իսկ հրամանի իմաստն այն էր, որ իրեն մի նոնակ տան ու թողնեն այդտեղ, որ մօտեցած ազերիների հետ միասին պայթեցնի ինքն իրեն: Տանում էին, քանզի չէին կարող շտանել, քանզի հրամանատարը մեկ անգամ չէ, որ տարել էր որիշներին: Այս անգամ հերթը գինուորներինն էր: Եւ նրանք տանում էին նրան՝ շինայելով ոչինչ: Երկուսը յալիտեան մնացին մարտի դաշտում, իսկ երկուսն էլ, վիրաւոր ու արիւնքամ, դուրս բերեցին իրենց հրամանատարին:

Մարդ պիտի լսէ՛ր, տեսնէ՛ր, թէ ինչ ահաւոր, պարզապէս ֆիզիկական ցաւ ու տառապանք կար այդ պահերի մասին պատմող մարտիկների աչքերում: Շատերն էին կարծում, որ նա մի ինչ-որ կախարդանքով անխոցելի է թշնամու զնդակի համար, սակայն, բոլորն էլ խոստովանում էին, որ նրա մահը պատահական չէր: Չափազանց յաճախ, չափազանց բացայայտ, ու չափազանց շատ էր նա վտանգի ենթարկում իրեն. վտանգի ենթարկուելը նրա կեցութեան ձեւն էր դարձել եւ սրանք լոկ խօսքեր չեն: Եւ արդէն զարմանալի չէ, որ Սամուէլի տիկինը նոյնպէս Արցախ էր տեղափոխուել, ամենուրեք նրա հետ էր եւ մշտապէս կիսում էր նրա հոգսերն ու շարժարանքները:

Սամուէլ Վարդանեանը հեռացաւ մեզանից, բայց անունը մնաց: Անունը մնաց Բիրեղաւանի միջնակարգ դպրոցին: Զուկատը շքարոյալքուեց ու չցրուեց, այլ անելի ամրապնդուեց, նոր-ժողովրդային վրիժառուներեկան, եւ հիմա ջոկատն էլ է նրա անունը կրում:

ԵՌԻՐԻ ՀԱՅՐԱՊԵՏԵԱՆ